

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

Art. I. An Deus, ex vi decreti quod habuit, carnem sumpsisset, Adamo non
peccante?

[urn:nbn:de:hbz:466:1-77342](#)

cipitut dispositionem, seu capacitatem, operatur effectus; & in Christo producit justitiam commutativam, non vero in aliis hominibus. Nec mirum, sicut enim Christo non conferebat aliquem effectum secundarium, quem causat in aliis hominibus, nimirum filiationem adoptivam; quia Christus, cum esset Filius Dei naturalis, erat incapax adoptionis: ita & eadem gratia potest in illo esse radix aliquid virtutis, quam non potest producere in aliis hominibus, ob illorum incapacitatem. Ex his

154. Inferes primò, quod si humanitas Christi relinqueretur à Verbo, amitteret justitiam commutativam ad Deum, sicut tunc eo ipso talis homo fieret Filius Dei adoptivus; quia in tali casu humanitas Christi esset quidem incapax justitia commutativa ad Deum, eo quod non posset esse principium satisfactionis infinitae, sed fieret capax filiationis adoptivae, quia ille homo Filius Dei naturalis esse desineret.

155. Inferes secundo, justitiam commutativam Christi & nostram esse diverse rationis & speciei, quia habent actus & objecta diverse rationis: actus enim nostra justitia commutativa, ex Aristotele s. Ethic. cap. 2 est actio humana constituens perfectam aequalitatem inter hominem & hominem; actus vero justitiae commutativa Christi, est actio Theandrica constituens perfectam aequalitatem inter Deum offensum, & humanum genus offendens; unde haec justitia pertinet ad ordinem hypostaticum, & soli personæ divinæ in natura assumpta competere potest; nostra vero speget ad ordinem naturæ, vel gratiæ. Item objectum justitiae Christi est jus divinum, nostra humanum, quæ jura sunt diversissimæ rationis. Denique justitia nostra commutativa, habet tantum rationem justitiae; justitia vero commutativa Christi, ita in se habet rationem formalē justitiae, ut etiam eminenter contineat rationem misericordia, magnificientiæ, & religionis. Ita enim reddit æquale Deo pro offensis, in quo constitutio ratio justitiae, quod etiam reddit superabundans, in quo constituit virtus magnificientiæ; & haec ratio non potest ab alia separari, quia implicat Deo reddi æquale pro offensis, nisi etiam reddatur superabundans; sola enim satisfactio suppositi divini potest esse æqualis offensiæ, & haec necessariæ est superabundans & excedens. Similiter justitia commutativa Christi continet eminenter rationem misericordiæ, quia non potest suppositum divinum, cum si impeccabile, reddere Deo æquale pro offensis proprijs, sed tantum pro alienis. Continet etiam eminenter virtutem religionis, quia suppositum divinum non potest Deo reddere æquale pro offensis, nisi exhibendo actum valoris simpliciter infiniti, atque adeò nisi etiam reddatur æquale Deo pro ipsis excellentiæ & beneficijs ab eo collatis: Ergo justitia commutativa Christi, ita in se habet formaliter rationem justitiae, quod eminenter contineat virtutem magnificientiæ, misericordiæ, & religionis. Et per hoc maximè commendatur excellentia talis justitiae, utpote quæ maximè accedat ad perfectionem eminentiam divinorum attributorum.

A



DISPUTATIO V.

*De motivo Incarnationis.**Ad articulam 3. & 4. D. Thomæ.*

Explícata Incarnationis possibilitate, convenientiâ, & necessitate, consequens est ut causam illius motivam investigemus, & finem propter quem à Deo facta est declaremus, de quo agit Sanctus Doctor art. 3. & 4. hujus questionis.

ARTICULUS PRIMUS.

An Deus, ex vi decreti quod habuit, carnem sumpisset, Adamo non peccante?

Certum est, Deum potuisse carnem assumere, certiam si Adam non peccasset, cum Incarnationem cum peccato essentiali nemus non habeat: unde solùm difficultas est de eo quod fuisse de facto, si Adam non peccasset. Dixi vero ex vi decreti quod Deus habuit, nam utrum si homo non peccasset, habuisse Deus aliud decretum assumendi carnem, non propter remedium peccati, sed propter alia motiva, res est omnino incerta & dubia; cum hoc non possit colligi ex Scriptura, per quam solùm nobis innoteantur quæ ex sola Dei voluntate dependent. Unde D. Thomas 1. Timoth. 1. lect. 4. Deus ordinavit fienda, secundum quod res fienda erant, & nescimus quid ordinasset, si non præcivisset peccatum. Solùm ergo difficultas est, an ex vi præsentis decreti, Verbum carnem assumeret, Adamo non peccante, quod idem est ac inquirere, an detur in Deo decretum aliquod efficax mittendi Verbum in carne, non connexum cum peccato, vel omne decretum efficax quod de Incarnatione datur in Deo, sit cum peccato connexum? Si enim hoc secundum dicatur, non veniret Christus ex vi præsentis decreti, Adamo non peccante; si vero affirmerit primum, veniret peccato Adami non existente. Hoc præmisso.

In hujus celebris difficultatis resolutione, duæ versantur opposita sententia: Altera est negativa, quam amplectuntur Thomistæ cum Anglico Praeceptor hinc art. 3. & ex Patribus Societatis Vazquez, Valentia, Lessius, Delugo, Theophilus Raynaudus, Amicus, Petavius, & alij: Altera affirmativa, quam tuentur Scotus & ejus discipuli, qui docent Incarnationem fuisse à Deo efficaciter volitam duplice decreto, altero terminato ad substantiam Incarnationis, altero terminato ad circumstantiam possibilitatis; primumque independens fuisse à futuritione peccati & prævisione illius; secundum vero fuisse à peccato dependens, ac proinde venturum Christum ex vi primi decreti, Adamo non peccante, non quidem in carne passibili, sed in impassibili. Suarez vero, Ysambertus, Martinonus, alijque ex R. ecclesiis, licet cum Scoto conveniant in hoc decreto statuendo, ab illo tamen dissentiant, in eo quod Scotus affirmit medium peccati non fuisse motivum substantiæ Incarnationis ex vi primi de-

23

K K



DISPUTATIO QUINTA

442

creti, sed solum circumstantiae passibilitatis: Stauruz autem, et si substantiam Incarnationis ex vi primi decreti voluntam esse doceat ob excellentiam mysterij, tanquam motivum sufficiens, afferit tamen ex vi secundi decreti voluntam fuisse non solum circumstantiam, sed etiam substantiam Incarnationis, ob remedium peccati, tanquam motivum sufficiens, ut sic salvet Verbum incarnatum fuisse propter nostram salutem; nec inconveniens reputat eundem effectum à duplice causa adaequata finali procedere.

§. I.

Conclusio negativa statuitur, & ratione D. Thomae suadetur.

Dico igitur: ex vi presentis decreti, Verbum Divinum carnem humanam non assumpsit, si homo non peccasset.

Probatur conclusio ratione D. Thomae hinc art. 3. ad hanc formam redacta. Decretum Incarnationis, cum sit supra natura debitum, non nisi per revelationem nobis innoscere potest: At quotiescumque Scriptura Sacra, Concilia, vel SS. Patres, quibus Deus suam voluntatem revelavit, de hujusmodi decreto faciunt mentionem, aliam ejus causam motivam non assignant, quam liberationem à peccato, seu redemtionem hominis à servitute peccati: Ergo ex vi decreti quod Deus habuit de facto, Verbum carnem non assumpsisset, Adamo non peccante. Major est certissima, unde tota difficultas devolvitur ad Minorem, que quad singulas partes probatur.

In primis ergo plura extant Scriptura testimonia, quibus aperte significatur, Deum non venisse in mundum per Incarnationem, nisi ut peccatores salvos faceret: Matth. 18. & Luca 19. *Venit filius hominis querere & salvum facere quod perierat.* 1. ad Timoth. 1. *Fidelis sermo & omni acceptance dignus, quod Christus Iesus venit in hunc mundum peccatores salvos facere.* Luca 5. *Non egere qui sani sunt medico, sed qui male habent, non veni vocare iustos, sed peccatores ad penitentiam:* quod est idem ac si diceret, non venissem nisi xersti opus habuissent medico, seu totum humanum genus equisset redemptio. Denique Joan. 3. Christus dicebat: *Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat vitam eternam.* Non enim misit Deus filium suum in mundum, ut judicet mundum, sed ut salvetur mundus per ipsum. Eadem etiam & non alia assignatur ratio a Concilijs, præcipue à Niceno in Symbolo fidei, ubi dicitur: *Qui propter nos homines, & propter nostram salutem descendit de celis, & incarnatus est de Spiritu Sancto, & homo factus est.*

Accedunt testimonia SS. Patrum: Irenæus enim lib. 5. adversus hæreses cap. 14. sic ait, *Si non haberet caro salvari, nequaquam Verbum Dei caro factum esset.* Athanasius orat. 3. contra Arrianos: *Quod autem Filius Dei homo factus est, nequam accidisset, nisi hominum necessitas causam prebuisset.* Nazianzenus orat. 36. *Quanam humanae propter nos suscepit natura causa exitit?* Nempe ut nos omnes salutem adipisceremur. *Quid enim aliud afferri potest?* Cyrilus Alexandrinus dialog. 5. de Trinit. circa medium: *Si non peccassimus,*

A neque factus esset nobis similis filius Dei. Ambrosius lib. de Incarnationis Dominicae sacramento cap. 6. *Quæ erat causa Incarnationis, nisi in caro qua peccaverat redimeretur?* Augustinus serm. 8. de verbis Domini, si homo non peccasset, filius hominis non venisset. Et serm. sequenti, *Nulla causa fuit veniendi Christo Domino, nisi peccatores salvos facere: tolle morbos, tolle vulnera, nulla est medicina causa.* Item in oratione ad B. Virginem, sic eam alloquitur: *Ut quid nesciun peccati pro peccatoribus pareres, si decesset qui peccasset? aut quid mater fieres Salvatoris, si nulla esset indigentia salutis?* Leo Papa Serm. de Nativ. Si homo ad imaginem & similitudinem Dei factus in suo honore permanisset, nec diabolus fraude deceptus, à lege sibi posita per concupiscentiam deviasset, Creator mundi creatura non fieret; neque aut sempiternus temporalitatem subiret, aut equalis Deo Patri Filius, formam servi & similitudinem carnis peccati assumere. Petrus Cellensis Abbas in lib. de panibus: *Non inclinaret eos partus virginis, si pomum prohibitum non contingerebat.* Eva talitus temerarius. Demum Abbas Rupertus de operibus Spiritus Sancti cap. 6. Christum allocuens, *Et si quidem (inquit) multum tibi debemus nos Deus Christe, quia homo factus es: At tu è contra multum nobis debes homo Christe, quia propter nos in Deum assumptus es: nam nisi fuisset peccatores, causa cur tu assumi in Deum deberes, nulla fuisset, &c. Nisi peccasset servi, nec assumpta fuisset in Dominum Deum natura servilis.*

Huic ratione D. Thomæ duas adhibent responsiones Adversarij. Aliqui enim in primis dicunt Scripturam, & SS. Patres, non assignare quidem aliam rationem Incarnationis, quam reparacionem generis humani, sive remedium peccati, sed ex hoc non sequi eam esse solam, aut etiam præcipuum, quia ex autoritate negativa nihilcluditur.

Verum hæc responsio nullius est momenti: cum enim de illis quæ ex sola Dei voluntate dependent, non possimus aliam habere notitiam, nec aliter sentire, quam secundum quod in Sacra Scriptura traduntur, & ex sola Dei voluntate pendeat ordinare Incarnationem ad hunc aut illius finem, bene sequitur quod si non alia assignatur illius ratio à Scriptura & SS. Patribus, præter generis humani reparacionem, non aliam quoque nos assignare possimus.

Addo quod in rebus magni momenti, optimum est argumentum ex autoritate negativa Scripturæ: unde quia Scriptura Sacra ubi loquitur de mundi creatione, unius tantum mundi facit mentionem, per legitimam consequentiam deducimus esse tantum unum mundum. Similiter quia facit tantum mentionem de Incarnatione secundum personæ Trinitatis, credimus eam tantum fuisse incarnationem. Item quia tres solum personas in Deo nominat, nusquam verò quatuor, tres tantum esse personas in Deo, ut certissimum fidei dogma recipitur.

Addo etiam quod aliqui ex SS. Patribus jam citant, non solum dicunt Verbum fuisse incarnationum, ob reparacionem generis humani, sed insuper etiam afferunt, quod non fuisse incarnationum, peccato non existente; & sic hæc solutio eorum testimonij applicari nequit.

Secundo respondent Scotti Discipuli, Scripturam, Concilia, & SS. Patres, locis citatis, affi-

DE MOTIVO INCARNATIONIS.

443

gnare solum rationem Incarnationis quoad modum, non autem quoad substantiam; quia scilicet facta est in carne passibili, propter remedium peccati, non autem absolute quoad substantiam: unde dicunt quod si Adam non peccasset, Verbum non fuisset quidem incarnatum in carne passibili & mortali, absolute tamen, & quoad substantiam, incarnatum fuisset.

^{10.} Sed haec responsio, quae est aylum ordinarium Adversariorum, facile potest convelli. Primum quia SS. Patres non dicunt quod Deus propter nos factus est passibilis, humanitate assumptus, sed assertur quod propter nos factus est homo: Neque dicunt propter se assumptus naturam humanam, & propter nos tantum eam addidisse passibilem, sed assertunt absolute propter nos assumptus ipsam naturam humanam.

^{11.} Secundum SS. Patres locis citatis assertunt, quod nisi homines indigissent redēptione, Verbum non esset homo, nec fieret creatura: Sed hoc non potuerint assertere absolute, si non existente peccato. Verbum fuisset incarnatum absolute & quoad substantiam, licet non in carne passibili; quia homo impassibilis est verè & propriè homo, & creature impassibilis, ut Angeli, sunt aquæ propriei creature, ac passibilis: Ergo haec solutio menti Sanctorum Patrum non congruit.

^{12.} Tertiò sequitur ex hac solutione impropiè dici in Symbolo, Verbum Divinum propter nostram salutem descendisse de celis: Sed hoc non est dicendum: Ergo nec illud. Sequela probatur. Idem est Verbum propter nostram salutem descendisse de celis, & fuisse carnem factum propter nostram salutem: At impropiè affirmatur assumptus carnem propter nostram salutem, si nostra salus non fuit ratio aut motivum Incarnationis quoad substantiam, sed solum quoad modum, seu circumstantiā passibilitatis: Ergo nec propriè salvatur ipsū propter nostrā salutē descendisse de celis.

^{13.} Quarò contra hanc solutionem bene argumentat Vazquez hic disp. 10. cap. 4. ubi sic discutit. Id quod potest fieri duobus modis, ex eo quod uno ex illis non fiat, non dicitur absolute non fieri, cùm absoluta negatio omnem modum excludat: Ergo si Adam non peccante Christus veniret, licet in carne impassibili, falsa esset absolute Patrum locutio assertorum non venturum Christum, Adamo non peccante.

^{14.} Confirmatur & magis illustratur hic discursus isto exemplo. Sicut qui dicit Regem v. g. hodie non venturum in istam civitatem, non tantum assertit ipsum non venturum hoc vel illo modo determinato, videlicet armatum, vel non armatum, in curru, vel extra currum; sed absolute, sive quod nullo modo veniet, quia nimis negatio est adeò, ut vulgo dicitur, malignantis naturæ, ut totum destruant. Ita similiter SS. Patres qui affirman absolute, simpliciter, & sine ulla restrictione, Christum venturum non esse, Adamo non peccante, censentur velle ipsum nullo modo venturum, neque in carne passibili neque impassibili.

^{15.} Denique D. Chrysostomus serm. 1. Pentecost. ait: *Deo chara est Ecclesia, propter Ecclesiam enim extensem est cœlum, diffusum est mare, extensus aer, fundata terra &c.* prosequitur eodem modo dicere totius mundi naturalis constitutio nem esse factam à Deo in gratiam Ecclesiæ, deinde subiect de ordine supernaturali, & miraculo so: *Propter Ecclesiam pelagus scindebatur, sindebatur petra, fluebat manna de cœlo &c. Propter Ecclesiam Prophetæ, propter Ecclesiam Apo-*

A stoli, immo propter Ecclesiam unigenitus Dei factus est homo. Hec Chrysostomus, cuius ratio loquendi postulat, ut quemadmodum in gratiam Ecclesie facta est substantialiter cœli & terræ creatio, ac effectio miraculorum, & institutio prophetæ ac apostolatus: ita & Incarnatio quæ unigenitus Dei Filius factus est homo, sit substantialiter propter Ecclesiam, & non solum quod modum seu circumstantiam passibilitatis. Unde Apostolus 1. ad Corinth. 2. *Loginimur Dei sapientiam in mysterio quo abscondita est, quam prædestinavit Deus ante secula, in gloriam nostram.* Sapientia autem illa est Verbum incarnatum, ut pater ex verbis sequentibus: *Quam nemo principium hujus facili cognovit, si enim cognovissent, nunquam Dominum gloria crucifixissent:* Ergo ex Apostolo sapientia Dei incarnata, subindeque Incarnationis mysterium, quod substantiam, in gloriam & salutem hominum prædestinatum seu decretum fuit.

§. II.

Alia ratio fundamentalis nostræ conclusionis expenditur.

^{16.} Secunda ratio fundamentalis nostræ conclusionis sic breviter proponi potest. Cùm Deus Incarnationem primò efficaciter decrevit, voluit Verbum incarnari in carne passibili: At decretum Incarnationis in carne passibili pendet à præscientia peccati Adami: Ergo si Adam non peccasset, Deus ex vi decreti quod habuit se se hypostaticè communicandi naturæ humanae, nullo modo incarnatus fuisset. Minor & Consequentia patet, Major vero, in qua est difficultas, sic ostenditur. Cùm primò Deus efficaciter voluit Incarnationem, vel voluit Verbum incarnari in carne impassibili, vel in carne passibili, vel absolute, in communi, & quoad substantiam, nihil in particulari decernendo de passibilitate aut impassibilitate? Primum aut tertium dici nequeunt: Ergo secundum necessariò assertendum est. Major patet ex sufficienti enumeratione omnium modorum quibus potest intelligi Deum primò decreuisse Incarnationem Verbi. Minor autem probatur primò quoad primam partem. Si Deus primò voluisse efficaciter Verbum incarnati in carne impassibili, de facto assumptus carnem impassibilem: Sed hoc est contra fidem passionis & resurrectionis Christi: Ergo &c. Sequela patet, alias enim unum è duobus necessariò esset admittendum, aut quod primum illud Incarnationis decretum non fuisset efficax, & sic non fuisset fortitudo effectum, Adamo non peccante, aut quod fuit postea mutatum in subsequenti signo rationis, supposita permissione & prævisione peccati, per aliud decretum quo Deus Incarnationem prius prædestinatam in carne impassibili, voluit esse in carne passibili in remedium peccati, quod repugnat immutabilitati Dei & perfectioni suæ prævidentiae, quæ non est incerta & volubilis, sicut nostra, ob limitationem intellectus nostri & voluntatis.

Probatur etiam secunda pars. Duobus modis fingi potest Deum voluisse primò Incarnationem, seu unionem hypostaticam, abstrahendo à carne passibili aut impassibili: Primum scilicet, ita ut solum in communi & quasi in confuso decreverit assumere naturam aliquam creatam, non deter-

Kk xij

173

DISPUTATIO QUINTA

444

minando an angelicam , vel humanam . Secundò ita ut voluerit quidem hanc naturam , humanam scilicet , in specie & in individuo sibi hypostaticè unite; non determinando tamen , an cum carne passibili aut impassibili : Sed uterque modus est impossibilis : Ergo &c. Major patet , Minor probatur multipliciter . Primo quia actus efficax voluntatis divinae terminatur ad rem in particulari cum omnibus accidentibus , circumstantijs , & modis , cum quibus debet esse in particulari ; tunc enim necesse est auctum esse inefficacem , & conditionatum , quando terminatur ad rem sub eo statu sub quo non est ponibilis in actu : Ergo repugnat Deum voluisse primò & efficaciter Incarnationem Verbi , & voluisse eam solum in communione , & in consuolo , aut quoad substantiam praeceps , abstrahendo à carne passibili aut impassibili . Consequentia est evidens , repugnat enim eam de facto existere hoc modo in communione , aut abstractam à passibilitate & impassibilitate , sed debet necessario esse in aliqua natura individua , passibili , aut impassibili determinata .

18. Secundò probatur Minor . Intelligere & velle aliquid in communione , & postea in particulari , cum omnibus accidentibus , circumstantijs , & modis , dicit imperfectionem intellectus nostri & voluntatis : Ergo non potest habere locum in Deo .

19. Tertiò Minor probatur . In actibus divini intellectus & voluntatis non reperitur ordo prioris & posterioris , nisi secundum ordinem objectorum ad quæ terminantur , ita ut terminare passivum unius , sit ratio terminacionis passiva alterius ; unde cognitio essentiae divinae est prior in Deo cognitione creaturarum , quia essentia est ratio cognoscendi creaturas : At inter Incarnationem in communione , aut secundum substantiam , abstrahendo à passibilitate aut impassibilitate , & eandem in particulari sumptum , non est ordo ille dependentia & causalitatis ; nam Incarnatione in communione , aut secundum substantiam , non est causa etiam universalis Incarnationis in particulari , & quoad modum & circumstantias : Ergo chimericum omnino est dicere , Deum voluisse prius efficaciter Incarnationem in communione , quād eam voluerit determinatè , & quoad omnes circumstantias in particulari .

20. Demum Minor principalis suadetur . Prædestinatione , cùm sit pars objectiva divinae providentiae , ut in Tractatu de prædestinatione ostendimus , attendit omnes circumstantias singulares rei prædestinatione , seu prædefinitio : Sed decretum quo Deus primò voluit & præordinavit Incarnationem , fuit prædestinatio Christi Domini : Ergo respicit omnes particulares circumstantias illius , & consequenter per illud fuit prædefinitum , in qua carne determinatè Christus esset venturus .

21. Confirmatur & magis illustratur hæc ratio : Deus non habuit decretum aliquod dandi gloriam electis indefinitum , abstrahendo ab hoc vel illo gradu , sed in gradu certo & determinato voluit ejusmodi gloriam illis conferte ; alias divina providentia circa electos esset confusa & indeterminata , utpote se extendens duntaxat ad substantiam rei volitæ , non verò ad omnes & singulas illius circumstantias , ut communiter docent Theologii in Tractatu de prædestinatione . Ergo similiter Deus nullum habuit decretum terminandi hypostaticè naturam humanam ut sic , prout abstrahit à passibili & impassibili carne , alias divina providentia esset circa Incarnationem confusa &

A in determinata , quia se extenderet duntaxat ad ejus substantiam , non verò ad singulas illius circumstantias .

§. III.

Modus dicendi Suavis & Martinoni refellitur.

S Varez & Martinonus , ut ab his argumentis sele expudiant , docent Incarnationem quoad substantiam fuisse efficaciter voluntam proper duos fines totales , nempe propter bonitatem intrinsecam & excellentiam ipsius mysterij , quæ fuit prior redemptio , & vera ac principalis causa motiva decreti Incarnationis , & propter medium peccati , quod fuit causa movens ad ejus accelerationem , firmansque præcedentem voluntatem se incarnandi propter gloriam Christi , & excellentiam hujus mysterij . Unde comparant Deum volentem se incarnare , homini qui jam determinavit efficaciter ire Romam , ut subveniat filio suo , quem graviter ibi & grotantem novit opera sua indigere ; ac ei professionem paranti supervenit nuntius referens aliquod sui amici negotium postulare etiam ut Romaneat ; quo nuntio iterum moveatur ad proficendum Romanam , ut antea destinaverat . Ita Deus (inquit) decreverat Incarnationem intuitu solius Christi , & ob excellentiam hujus mysterij : At inspiciens in necessitatem humani generis , inferordiā motus , præcedentem voluntatem auxit & confirmavit ex charitate in homines , & secundo ac subsequenti affectu voluit Incarnationem , propter remedium peccati , quam primo suo decreto , ob ejus excellentiam decreverat .

Hæc tamen doctrina displicet non solum Thomistis , sed etiam pluribus ac præcipuis Societatis Theologis , potestque breviter confutari . Primo , quia idem effectus non potest , etiam de potentia Dei absoluta , à duplice causa efficiente totali & adæquata procedere , alioquin penderet & non penderet ab utraque secundum eandem rationem , ut communiter docent nostri Thomistæ in 2. physic . At eadem est ratio de duplice causa finali , totali , & adæquata , ut consideranti patet : Ergo implicat Deum voluisse mysterium Incarnationis ex duplice fine adæquato & totali .

Secundò , Esto admittamus posse eundem effectum à duplice causa adæquata , sive efficiente , sive finali , de potentia absoluta dependere ; de lege tamen ordinaria , & attentâ rei naturâ , non potest , in communione Philosopherum sententia : At de divinis decretis & motivis illorum , loquendum est semper consentaneè ad rerum naturas , nisi oppositum sit revelatum : Ergo dicendum est , Incarnatione non fuisse à Deo efficaciter voluntari propter duos fines totales , nempe propter ejus excellentiam , & humani generis redemptiōnē .

Tertio , Ideo apud homines potest aliquis primò velle aliquod objectum propter unum totale motivum , & postea idem intendere , propter aliud motivum totale de novo sele offerens ; quia potest mutare primam volitionem & primum motivum , & incipere velle illud objectum , per aliam volitionem , & ex alio motivo ; aut saltem quia potest subordinare primam volitionem , & primum totale motivum secundæ volitioni , ex alio totali motivo procedenti , sicut velle prædictum objectum ex duplice illo motivo per modum unius : Sed hoc repugnat Deo , cùm hic modus procedendi imperfectionem mutabilitatis indisponibiliter importet : Ergo &c.

*Diss. 1.
art. 4.*

26. Quartò, Si Deus voluisset Incarnationem ob remedium peccati, & propter excellentiam ipsius, tanquam propter duos fines totales & non subordinatos, sequeretur Incarnationem fuisse futuram, eti mundus non fuisset creatus: Sed hoc absurdum est: Ergo & illud. Sequela probatur, quia fuisset volita independenter ab universo, unde præcisè ex voluntate illa Incarnationis propter finem totalem, secuta fuisset productio unius dividui tantum humanae speciei, in quo Deus subsisteret.

27. Denique, Si redemptio hominum non esset totalis, aut saltem prima ac præcipua causa mortalia Incarnationis, sed daretur alia prior ac principior, minime um excellentia hujus mysterij, non essent verae ac sincerae Dei locutiones, quibus in Scriptura simpliciter & absoluè asserit, se incarnationum esse, & venisse in mundum, propter hominum redemptionem & salutem, ut pater exemplo ab Adversariis adducto: si enim ille homo allatus in exemplum, usitato & sincero modo loquendi uteretur, non diceret amico, tui causam domum meam reliqui, & periculorum iter suscepisti; sed ad summum diceret, Romanum iterum eram, filii mei gratia, sed quamvis haec causa non fuisset, tui studium & amor me impulisset, ut Romanum irem, ac iter illud susciperem. Quod alio exemplo illustrari potest. Sit Rex qui aliis de causis mittat filium suum v. g. in Italianam, & jam deliberata & parata filij profectione, perveniant litteræ, quibus aliqua pars Italiae implorat auxilium Regis, ut eam armis contra hostes tueatur; & Rex filio jam profecturo præcipiat, ut eam partem Italie quæ posset ejus opem, armis tueatur. Non deberet ejusmodi Rex exprobriare Italiam: Ego filij mei conspectu me privavi ad vos tuendos; sed sincerius loqueretur si diceret, filio meo profecturo mandavi ut vos armis tueatur, & desiderium vobis subveniendi, quasi currenti calcar adhibuit. Sic Paulus 2. ad Corinth. 8. dicit de Tito proficisci Corinthum, *Gratia Deo qui dedit eandem sollicitudinem pro vobis in corde Titi*, quoniam exhortationem quidem suscepit, sed cum sollicitior esset, suā voluntate profectus est ad vos. Quibus verbis Paulus significat se tantum adhibuisse pondus sua exhortationis Tito, qui jam deliberaverat proficisci Corinthum. Ita similiter, si verâ esset Adversariorum sententia, & si Deus decrevisset mysterium Incarnationis propter ejus excellentiam, tanquam propter primam ac præcipuam causam motivum illius, non debuisse dicere simpliciter se venisse in mundum in gratiam generis humani, sed se venturo propter alium finem, misericordiam in humanum genus, novum pondus, & impulsu addidisse huic voluntati, Incarnationis exequenda.

28. Responderet Suarez, quod licet salus & redemptio hominum fuerit causa tantum secundaria & minùs præcipua Incarnationis, potuit tamen Deus in Scriptura simpliciter dicere, se venisse in mundum propter homines, & ipsorum redemptiōnem & salutem, adducitque ad hoc suadendum exemplum ex primo Regum 16. ubi cùm Samuel jam Dei iussu paratus esset ad proficiscendum Bethlehem ad ungendum David in Regem, & Samuel timeret sibi à Sauli, ait illi Dominus: *Vitulum de armento tolles in manu tua*. & dices: *ad immolandum Domino veni*. Hæc enim intentio sacrificandi erat minùs præcipua & tantum secundaria, & tamen illam solum profert Samuel ut causam sui adventus in Bethlehem. Ita similiter

Tom. IV.

A (inquit Suarez) Deus potest in Scriptura simpliciter asserere, se in gratiam nostri venisse, quamvis salus & redemptio hominum fuerit tantum finis secundarius & minùs præcipuus Incarnationis.

Sed contra: Nisi fuisset dissimulanda & tegenda Samueli causa prima & præcipua sui adventus in Bethlehem, scilicet unicío Davidis in Regem, non protulisset ille secundam & minùs præcipuum sui adventus causam. Verum cùm non esset congruum, Prophetam mentem suam & intentionem præpalare, propter imminens à Saüle periculum, potuit licet eam occultare, & pro prima ac præcipua, secundariam tantum ac minùs principalem causam sui adventus proferre. At cùm Deus exponit in Scripturis, & Concilis finem suæ Incarnationis, nihil cogit eum ad dissimulandum, & ad tegendum suam intentionem, imò omnia invitant ut candidissime & sincerissime eam exponat: Ergo cùm dicat frequentissime causam Incarnationis sua esse salutem & redemptionem hominum, ut pater ex testimoniis paragrapho præcedenti adductis, dicendum est eam esse causam primam, præcipuam, & originalem, non vero secundariam tantum, accessoriām, & minùs principalem.

§. IV.

Precipue objectiones solvuntur.

B **O**bijices primò: Mysterium Incarnationis fuit Adamo revelatum in statu innocentia, ut docet S. Thomas 2. 2. quæst. 2. art. 7. & tamen sui peccati futuri conscientia seu præficius non fuit, ut ibidem ait S. Doctor, ratioque id fuaderet: Nam si peccatum à se committendum prænovisset, talis notitia in eo causasset tristitiam, quæ cum hujus statū florentissimi felicitate incompossibilis erat. Ergo remedium peccati, motivum Incarnationis non fuit, & consequenter, eti Adams non peccasset, Verbum Divinum carnem humanam assumpsisset.

Respondeo, concessò Antecedente, negando Consequentiam: nam ut ait D. Thomas hic art. 3. ad 5. Nihil prohibet alicui revelari effectum cui non revelatur causa, unde potuit Adamo revelari Incarnationis mysterium, absque eo quod esset conscientia sui peccati, cuius remedium causa fuit motiva Incarnationis Christi.

Dices, Naturale est homini, cognito effectu, appetere causæ cognitionem, ut docet D. Thomas 1. p. quæst. 12. art. 1. unde quando cognito effectu, ejus causa ignoratur, talis ignorantia tristitiam & anxietatem causat: At in statu innocentia anxietati & tristitia locus non erat: Ergo tunc revelata fuit Adamo causa motiva Incarnationis, & per consequens si peccatum proprium illi non fuit revelatum, remedium peccati Adami, motivum Incarnationis non fuit.

Respondeo Incarnationem Christi fuisse ordinatam & ad liberationem hominis à peccato, & ad glorie consummationem: licet autem non fuerit Adamo revelatum remedium peccati ut motivum, fuit tamen illi revelata consummatio gloria, ut docet D. Thomas 2. 2. quæst. 2. art. 7. & hoc fuit sufficiens ut ab illo tolleretur anxietas.

Instabis, Ut tolleretur anxietas, necessaria era revelatio motivi adæquati, non enim pacatur desiderium cognoscendi causam, cognito effectu, nisi causa adæquata innotescat: Ergo si revelata Adamo sola gloria consummatione, quieverit

K K Iij

- ^a Ius desiderium, nullaque in eo anxietas remanserit, consummatio gloriae fuit adaequatum Incarnationis motivum.
35. Respondeo quod quando dependentia effectus a causa est ab intrinseco, non quiescit desiderium, nisi adaequata causa cognoscatur; quando autem dependentia non est ab intrinseco, sed ab extrinseca voluntate operantis, tunc non est necessarium ad quietandum desiderium, revelari causam adaequatram effectus; unde cum dependentia Incarnationis a remedio peccati, non sit illi intrinseca, sed ex sola Dei extrinseca voluntate dependeat, & aliunde consummatio gloriae sit motivum quantum est de se sufficiens respectu Incarnationis, nulla anxietas remansit in Adamo, ex eo quod alterum motivum Incarnationis, scilicet remedium peccati, ipsi revealatum non fuerit.
36. Objicies secundum: Augustinus lib. 1. de nuptiis & concup. cap. 21. docet matrimonium in statu innocentiae fuisse signum atque Sacramentum conjunctionis Christi cum Ecclesia: Ergo existimat nullo existente peccato Christum venturum, alias Sacramenti significatio tunc vera non fuisse.
37. Respondeo plures ex nostris Thomistis Augustinum solum velle in illo statu conjunctione viri & feminæ fuisse signum conjunctionis Christi cum Ecclesia, non actualiter, sed aptitudinaliter, id est habuisse aptitudinem ad talē significationem. Sed hæc interpretatione non videtur ad mentem Augustini, nam postquam loco citato tria nuptiarum bona enumeravit, scilicet operationem propaganda prolixi, pudicitiam fidem, & connubium Sacramentum, significans conjunctionem Christi cum Ecclesia, subdit de matrimonio in statu innocentiae, *Hic tribus bonis perfectè se haberet bona in nuptiarum, quibus etiam nunc bona nuptiæ: A si solum aptitudinem haberet ad significandam conjunctionem Christi cum Ecclesia, non perfectè ei tria illa bona convenienter; non enim est perfectè signum ad placitum, quod solum habet aptitudinem ut ei significatio imponatur: Ergo hæc interpretatione menti Augustini non congruit. Unde*
38. Melius responderetur, juxta Augustinum, matrimonium in statu innocentiae fuisse quidem de facto signum conjunctionis Christi cum Ecclesia, ex eo tamen non sequi Adamo non peccante Christum venturum; quia licet bonitas prædictæ significationis perfectè convenienter nuptiis ante peccatum Adami actu patratum, non tamen ante præscientiam & decretum permisivum illius; fuit enim matrimonium institutum à Deo signum cōjunctionis Christi cum Ecclesia, in posteriori signo post prævisum peccatum, nam in priori solum fuit institutum in officium naturæ.
39. Objicies tertio: Licet Verbum Divinum defacto incarnatum fuerit proper reparacionem generis humani, hæc tamen non fuit causa principalis & adaequata; nam præter illam assignantur interdum in Scriptura aliae causæ, etiam principales, ut manifestatio divinorum attributorum, complementum & perfectio totius universi, exaltatio humanæ naturæ, ac denique consummatio ordinis gratie, quæ quidem causæ erant sufficiëntissimæ ut Incarnatio fieret, etiam Adamo non peccante.
40. Confirmari potest hæc objecção omnibus illis Scripturæ locis in quibus dicitur Christum venisse ut Concionatorem, Pastorem, Regem, Duxem, Magistrum: hæc enim officia a remedio peccati videntur independentia. Addi possunt
- A testimonia Cypriani & Augustini, quibus assertum Deum factum esse hominem, ut totum hominem beatificaret, & sine ingredere per intellectum, sine egredere per sensum, in Creatore suæ pascua inveniret, ut disp. 3. agendo de convenientia Incarnationis fuse expendimus.
- B Ad objectionem respondeo cum D. Thomas hic art. 3. ad t. quod omnes aliae causæ Incarnationis que assignantur in Scriptura, pertinent aliquo modo ad remedium peccati, & in illo includuntur, ac proinde presupponunt præscientiam peccati, sicut & ipsa Incarnatio, & ad reparationem generis humani ordinantur, ut constat ex verbis Apostoli ad Titum 2. *Apparuit gratia Dei Salvatoris nostræ omnibus hominibus erudiens nos, ut abnegantes impietatem &c. In quibus verbis simul cum doctrina quam Christus ut Doctor tradidit nobis, conjungitur redemptio generis humani.*
- C Quamvis ergo manifestatio divinorum attributorum, excellentia Incarnationis, & alia bona quæ illam per se consequuntur, essent ex se sufficientia ut quolibet eorum posset esse motivum totale Incarnationis; non fuerunt tamen motivum totale & adaequatum, sed partiale & inadæquatum, quatenus Deus non intendit manifestationem fuorum attributorum, per manifestationem excellentia Incarnationis, & aliorum bonorum, nisi in ordine ad reparationem naturæ humanæ, ut summum quo nos prosequitur amorem facilius supervenientibus manifestaret, Unde
- D Ad Confirmationem dico, omnia illa officia quæ ibi enumerantur, dependere aliquo modo à remedio peccati, & redemptione hominum; illaque implicitè saltem involvere. In primis enim officium concionatoris non est independens omnino à peccato, ut pater Isaia 61. ubi dicitur: *Spiritus Domini super me, eo quod unixerit Dominus me, ad annuntiandum mansuetis misit me, ut mederer contritis corde, & predicaret captiuis indulgentiam &c. Similiter ut pastor missus est querere & salvam facere orem quæ perierat, ut constat Luca 15. & Ezechiel 34. Ut Dux & Rex etiam missus est ad salvandum populum, juxta illud Isaia 33. *Dominus Rex noster, ipse salvabit nos.* Item ut magister venit ut opere & doctrinâ, verbo & exemplo, viam salutis nobis aperiret & demonstraret. Ad testimonia vero Augustini & Cypriani respondeo, illos loqui de homine redempto per Christum, & velle Christum venisse ut in corpore & anima satiarer hominem quem redimebat.*
- E Objicies quartò: Etiam si Adam non peccasset, eadem tamen gratia quam habuit in statu sue innocentiae, ei a Deo collata fuisset: Sed non independenter à meritis Christi, sine Dei incarnatione. Ergo etiam si homo non peccasset, Deus tamen incarnatus fuisset, etiam ex vi decreti quod habuit circa assumptionem nostræ nature. Major constat, Minor vero probatur. Nullus effectus prædestinationis Adami fuit independens à meritis Christi: Sed gratia quam habuit, etiam in statu innocentiae, fuit effectus prædestinationis ipsius: Ergo non independenter à meritis Christi ei collata fuit. Major est certa, cum enim Christus sit caput omnium hominum prædestinatiorum, idque mediatis actionibus quibus nobis meruit, prædestinationis Adami, & consequenter omnis ejus effectus, dependens fuit à merito Christi. Minor vero sic ostenditur: Cum omnis gradus glorie hominis prædestinati, sit effectus prædestinationis

ipius, illa gratia pertinet ad effectus prædestinationis Adami, cui correspondet aliquis gradus gloriae in qua modo Adamus ipse existit: Sed gratia quam habuit in statu innocentiae, correspondet aliquis gradus gloriae in qua modo existit; quamvis enim gratia illa amissa fuerit per peccatum, & meritum ejus mortificatum, tamen per penitentiam fuit illi restituta, & meritum vivificatum ad eum gradum gloriae recipiendum ad quem habuerat jus in statu innocentiae: Ergo gratia quam Adamus habuit in statu innocentiae, fuit effectus prædestinationis ipsius.

Respondeo negando Minorem, ad cujus probacionem, nego etiam Minorem; ad probationem illius, iterum nego Minorem; falsum enim est quod gratia illi quam habuit Adamus in statu innocentiae, formaliter ut tali, & ut primum à Deo volitate, correspondeat aliquis gradus gloriae in quo modo existat protoparens noster; fuit siquidem per peccatum totaliter extinta ejusmodi gratia, nec opera meritoria ex ipsa facta, retinuerunt aliquid jus, remanserunt ulla modo in acceptatione divina ad gloriam tanquam ad præmium, sed remanserunt omnino mortua & incapacia reviviscentia per penitentiam, in quo differunt à nostris meritis, quæ cùm per peccatum lethale solùm mortificantur, reviviscunt per penitentiam ad eosdem gradus gloriae, ad quos jus speciale habebant, antequam Deum gravioriter offenderebant. Sicut autem ratione hujus disparitatis queritur, dico eam exinde peri, quod destruktum in nobis gratia sanctorum per peccatum mortale, remanet nihilominus adhuc unum ex principiis moralibus & vitalibus actionum illarum, quibus antequam laberemur in peccatum, aliud apud Deum meruimus, nempe ipse Christus, qui cùm sit causa moralis & vitalis omnis nostri meriti, illud in mente & acceptatione divina conservat. At verò respectu Adami, adhuc in statu innocentiae existentis, cùm Christus nondum influeret in ejus meritum, sed sola gratia ei collata, esset principium radicale & vitale talis meriti, merum esse non debet, quod destructio tali principi radicali & vitali, omne meritum quod ab eo processerat, totaliter vitam amiserit, atque adeo non mortificatum tantum, sed & omnino mortuum remanserit.

§. V.

Præcipuum adversæ sententia fundamentum convellitur.

PRÆCIPUUM adversæ sententia fundamentum potest sic breviter proponi. Christus volitus & prædestinatus est à Deo ante præscientiam peccati hominum: Ergo licet homo non peccasset, nihilominus Christus ex vi præsentis decreti venisset. Consequientia videtur legitima, cùm enim prius non dependeat à posteriori, si adventus Christi volitus est à Deo ante præscientiam peccati hominum, est independens à talipeccato, & ejus remedio, atque adeo executioni mandatus fuisset, licet homo non peccasset. Antecedens vero probatur. Prædestinationis Christi prior fuit decreto producendi creaturas: At decretum productionis creaturarum prius fuit decreto permittendi peccatum: Ergo Christus volitus & prædestinatus est à Deo ante permissionem, subindeque ante præscientiam peccati hominum. Minor patet, non enim potuit Deus permettere peccatum hominum, illudque præscire antequam haberet

A voluntatem ipsos producendi. Major verò in qua posita est difficultas, probatur primò ex Apostolo ad Coloss. i. ubi Christum appellat, *primo genitum omnis creature*, quod de Christo ut homine, plures ex Sanctis Patribus interpretantur: At non est primogenitus tempore: Ergo est primogenitus in intentione divina, ac proinde illius prædestinationis præcedit decretum productionis rerum.

Secundo, Proverb. 8. Divina Sapientia ait: *Dominus posedit me ab initio viarum suarum, antequam quidquam faceret à principio*. Ubi etiam sermonem esse de Sapientia incarnata docent Basilios, Athanasius, Nazianzenus, Chrysostomus, Augustinus, Ambrosius, Hilarius, & plures alij quos referunt noster Vincentius, relect. de gratia Christi quest. 6. Ergo Verbum incarnatum fuit initium viarum Domini, id est operum Dei ad extra: At non fuit initium in temporali rerum executione, cùm post multajam creata Verbum fuerit incarnatum: Ergo fuit initium in divina intentione, ac proinde illius prædestinationis, decretum prædestinationis rerum præcessit.

Tertiò eadem Major ratione suaderet. Omnis ordinare volens, prius vult finem, & ex mediis illa que sunt fini propinquiora: Sed ad manifestationem bonitatis divinae, que est finis intentus à Deo in productione rerum, propinquius se habet Incarnationis Verbi, quam omnes aliae creature, cùm illas omnes in perfectione excedat: Ergo Deus semper volens ordinatissime, prius intendit manifestationem bonitatis sua, & immediate post voluit Incarnationem Verbi, postea ordinem gratiae, ac tandem ordinem naturæ; ac proinde decretum Incarnationis, prius fuit decreto productionis rerum.

Huic argumento; quod apud Adversarios palmarium est, triplex solet adhiberi solutio. In primis aliqui ex nostris Thomistis, concessio Antecedente, negant Consequentiam: quia (inquit) eti Christi prædestinationis antecedat in intentione Dei, præscientiam peccati, & decretum hominem redimendi, eo ipso tamen, quod non alio modo, neque alio medio, voluit Deus illam exequi, nisi mediâ permissione peccati, fit inde quod si homo non peccasset, Christus non venisset. Eo proportionali modo quo licet intentione quam habet Deus dandi suam gloriam electis, sit prior decreto de bonis operibus ipsorum, atque adeo prævisionem ejusmodi operum antecedat, nihilominus quia Deus non aliter statuit voluntatem illam sine intentionem adimplere, quam per bona opera, verum est dicere quod nullus electorum absque bonis operibus salvabitur.

E Hæc solutio haud dubie probabilis est, potestque illustrari alio exemplo ex orationibus Sanctorum, quibus Deus decretit alicujus prædestinationis impleri, defuncto: quamvis enim intentione prædestinandi non fuerit post prævisa tales orationes, neque ex ipsis, tanquam ex causa, vel ratione; tamen quia hæc intentione non alio modo quam his orationibus decreta est impleri, verum est dicere quod ille non salvus esset, si talis Sanctus pro eo non orasset; & quod Ecclesia Paulum non habuisset, si Stephanus pro eo non orasset. Eodem ergo modo, quamvis prædestinationis Christi facta fuerit ante prævisionem peccati, & ante decretum redimendi homines; quia tamen quoad executionem non alio modo, neque alio medio, dispositum fuit hanc prædestinationem impleri, nisi mediâ permissione peccati, sit esse

verum, quod si Adam non peccasset, Verbum A
Divinum carnem humanam non assumpsisset.

Respondent secundò alij, negando Antecedens, ad cuius probationem, negant Majorem, & ad primam ejus probationem dicunt Christum non ideo in Scripturis appellari primogenitum omnis creaturae, quod prius ordine causalitatis & intentionis praedestinatus fuerit, quam alia omnes creaturae sint praedefinitæ & volitæ à Deo, sed tantum quia dignitate & excellentiâ antecedit eas; ut exponit D. Hieronymus.

Ad secundam respondent, vel ibi sermonem esse de Sapientia increata, qua dicitur initium viarum Dei, quia Verbo quo est Sapientia Patris condita sunt universa. Vel si verba illa de Sapientia incarnata intelligantur, illam dici initium viarum Dei, quia est initium operum redēptionis, & prædicationis Evangelicæ, ratione humanitatis, & omnium creaturarum, ratione divinitatis, ut interpretantur Cyrilus lib. 9. thesauri cap. 7. & 8. & Hieronymus ad verba illa Proverb. 8. Ex quo solū sequitur, praedestinationem Christi fuisse in divina mente priorem decreto evangeliæ prædicationis.

Ad tertiam respondent, Majorēm esse veram de his que sunt fini propinquiora ordine causalitatis, falsam vero de his que sunt propinquiora illi tantum ordine perfectionis: Christus autem licet sit perfectior universo, & ordine gratiæ, non tamen est propinquior fini à Deo intento, ordine causalitatis; ita ut res naturales, & ordinis gratiæ, in attingendo finem intentum à Deo, scilicet manifestationem bonitatis suæ, ab illo ut intermedio dependant, sed seipsis immediatè ad talem finem conducunt; ac proinde potuit Deus decernere omnia simul, vel minus perfectum ad perfectius ordinare, vel denique perfectius ordinare ad minus perfectum; cumque hoc ex sola Dei voluntate pendaat, qualiter de facto contigerit, ex Scriptura, Concilijs, & Patribus indagandum est; & quia ex illis constat, Deum decrevisse mystérium Incarnationis propter hominum salutem & redēptionem, afferendum est, non prius praedestinasse Christum, quam decreverit universum producere, & peccatum permittere. Unde juxta hunc modum dicendi, sic dispendia sunt divinamentis decreta. Postquam Deus scientiâ simplicis intelligentiæ omnia possibilia cognovit, primo suorum attributorum manifestationem decrevit. Secundò ad istum finem ex pluribus possibilibus hunc mundum elegit, ex diversis rerum gradibus & naturis compositum. Tertio voluit natum intellexit alem donis gratiæ exornare. Quartò decrevit hominis peccatum permittere. Quintò præviso peccato misericordiâ tactus, potens multis modis hominis peccatum destruere, vel purè misericorditer condonando, vel satisfactionem inæqualem & imperfectam acceptando, modo convenientissimo illius expiationem, ac remedium nostrum, decrevit, scilicet per condignam & æqualem satisfactionem. Sexto ad talem satisfactionem exhibendam, voluit quod Verbum carnem humanam assumeret. Denique in Christo quodam ex hominibus elegit ad gloriam, alijs in massa perditionis, justo iudicio, sed nobis occulto, relictis.

§. VI.

Verior ac probabilior solutio traditur.

Item præcedentes solutiones non sint improbabiles, & à gravissimis Theologis tradantur ac defendantur, placet tamen addere tertiam, qua videatur probabilior, sumiturque ex communi Thomistarum & Peripateticorum doctrina, qui assertunt causas sibi invicem esse causas, & quod in uno genere causa est prius, posse in alio esse posterius, ut variis exemplis in Tractatu de justificatione declaravimus.

Dicimus ergo quod ordine intentionis, prius fuit volitus Christus, quam omnia alia, sive ordinis naturalis, sive ordinis supernaturalis, & quam permisso peccati, in genere causa finalis, posterius tamen in genere causa materialis. Vel ut alij dicunt, licet Christus prius fuerit prævius & intentus in ratione finis qui, quam ordo naturæ & gratiæ, & quam peccatum intelligatur esse permisum à Deo, tamen prioritate finis cui, prius volitum fuit remedium peccati, seu genus humanae ut redimendum, quam fuerit prævia & voluta Incarnatione, quod ut magis declareretur.

Notandum primum, finem qui est ad eum intentionis objectum, dividi à Philosophis in finem Qui, sive ut alij loquuntur in finem Cuius gratiæ, & in finem Cui, quem aliqui appellant finem effectum. Finis qui, sive cuius gratiæ, est illud bonus quod appetitur, & cuius gratiæ media assumuntur. Finis vero cui, est illud subjectum, sive illa persona, cui vel propter quam appetitur tale bonus: v. g. in Medico desiderante sanitatem ægroti, finis qui, est sanitas, propter quam procurandam infirmo prescribuntur potionis, & alia remedia adhibentur. Finis vero cui, est ipse infirmus cui sanitas desideratur.

Notandum secundò, quod licet in eodem insimo genere cause non possit esse inter duo reciprocatio, seu mutua causalitas & dependentia, benè tamen in eodem genere subalterno, divisibili in diversos modos causandi. Nam ut communiter docent nostri Thomistæ, in Tractatu de generatione & corruptione, dispositiones concomitantes, sunt priores composite genito, in genere causa materialis dispositivæ, quia ad formæ receptionem disponunt, & posteriores in genere causa materialis receptivæ, seu subjectivæ, quia in composite recipiuntur & subjiciuntur; tamquam in subjecto quod. Cum ergo genus cause finalis sit subalternum, & in duas velut species dividatur, nimis in finem qui, seu cuius gratiæ, & in finem cui, nihil repugnat, id quod est prius alio in ratione finis qui, esse posterius & dependentis in ratione finis cui, ut patet in exemplo ad ducto Medici desiderantis sanitatem infirmo; ipsa enim sanitas est prior ægroti in ratione finis qui, seu cuius gratiæ æger vero cui sanitas desideratur, est prior in eodem genere cause finalis, in ratione finis cui.

Hic præmissis.

Prima pars hujus resolutionis, que assertit Christum ordine intentionis, prius fuisse volitum, ut finem qui, quam res ordinis naturalis, & ordinis gratiæ, & quam permisso peccati, probatur primo ex illo Apofoli 1. ad Corinthios, *Omnia vestra sunt, vos autem Christi, Christus autem Dei. Ubi D. Thomas ait significari quod quemadmodum omnia propter praedestinatos creata sunt, ita omnia creata, & ipsi praedestinati, sunt propter*

DE MOTIVO INCARNATIONIS.

449

- pter Christum, ut est homo, tanquam propter finem; sicut & illa omnia, & ipsemet Christus, sunt propter Deum ut ultimum finem: Ergo Christus in ratione finis qui, sive cuius gratia, est prius volitus & intentus, quam res ordinis naturalis, & supernaturalis, subinde quā permisso peccati.
56. Secundò, Finis cuius gratia, sive ultimus, sive proximus, magis diligitur, quam id quod ob illum amatitur: At inconveniens videtur dicere, Christum fuisse à Deo minus dilectum, quam redendum peccati, seu genus humanum ut redendum: Ergo genus humanum, non est finis qui, seu cuius gratia, prius à Deo intentus, sed potius ipse Christus in mente & intentione Dei talem prioritatem in genere causa finalis obtineret.
57. Tertiò, Ut egregie discurrit Magister Herrera in manuscriptis ad hunc articulum, cum Deus sit omnium creaturarum finis, consentaneum videtur, ut ea in quibus speciali quodam modo Deus reperitur, sive etiam aliorum omnium fines, id est que cum in anima iusti speciali quodam modo Deus inhabitet, ad justum tanquam ad finem omnia naturalia ordinantur. Similiter quia in sacramento altaris speciali modo invenitur author gratiae & gloriae, sacramentum Eucharistiae, ceterorum omnium finis esse censetur. Cum ergo in humanitate Christi, speciali quodam, & ineffabili modo, plenitudo divinitatis inhabitet, Christus jure merito, omnium creaturarum, & totius ordinis naturae & gratiae finis censendus est; subindeque ordine intentionis prius volitus à Deo quam omnia alia, sive ordinis naturalis, sive ordinis supernaturalis, & quam permisso peccati.
58. Quarto, Permissio peccati Adami non debuit eligi à Deo ex solo fine ostendendi suavitatem sue providentiae, licet enim ad providentia divinae suavitatem pertineat permettere quod natura defectibilis in aliquibus individuis deficit, non tam quod deficit in omnibus peccatum autem autem originale est defectus omnium individuum naturae humanae: Ergo permisso peccati originalis ex nullo alio fine potuit à Deo eligi congruentius, quam ex motivo tanti boni, scilicet Christi Redemptoris, qui proinde est prius volitus & intentus à Deo in ratione finis qui, quam permisso peccati originalis.
59. Denique, De divinis decretis, & eorum motibus, loquendum est semper consentaneè ad rerum naturas, nisi oppositum revelatum sit: At magis consonum est naturis rerum, secundum quas id quod perfectius est, ad imperfectius ut ad finem cuius gratia non ordinatur, quod genus humanum, ut redendum, & res omnes ordinis naturalis & supernaturalis, ad Christum ut ad finem qui, sive cuius gratia ordinantur, quam quod ipse Christus, redendum peccati, seu genus humanum ut redendum, tanquam finem cuius gratia respiciat; & alias ex nullo Scriptura testimonio potest colligi oppositum, ut patet ex infra dicendis: Ergo dicendum est, Christum in ratione finis qui, seu cuius gratia, esse priorem in mente & intentione Dei, quam redendum peccati, seu genus humanum ut redendum.
60. Confirmatur & magis illustratur hæc ratio ex D. Thoma in 2. dist. 15. quæst. 1. art. 1. ad 6. ubi sic ait: *Aliquid potest esse propter aliud dupliciter, aut quia ordinatur ad ipsum, sive ad finem proprium & principalem; & sic inconveniens est dicere, quod aliquid sit propter vilius se, ut luna & stellæ propter nocturas & vespertiliones, cum finis sit*
- Tom. IV.
- A potior his que sunt ad finem. Alio modo potest dici aliiquid esse propter aliud, cui ex ipso provenit aliqua utilitas, eo modo quo posset dici Regem esse propter rusticum, ex cuius reginam proveni ei pax; & per hunc modum est intelligendum quod in littera dicitur, omnes enim utilitates qua ex corporibus celestibus proveniunt in inferioribus, sunt à Deo provisæ, qui corpora illa instituit. Ubi S. Doctor inconveniens reputat, quod luna & stellæ facta sunt propter vespertiliones tanquam propter proprium finem, hoc est, finem cuius gratia, non autem propter finem cui ex luna & stellæ utilitas provenit. Ergo similiter inconveniens debet censer quod redendum peccati, vel homo ut redendum, sit finis proprius, id est cuius gratia, Incarnationis; non autem quod sit finis cui, seu utilitas, cum ex ea maxima utilitas ipsi proveniat. Ex quo probata manet secunda pars nostræ resolutionis, que assertum genus humanum, ut redendum, esse priorem Christo in mente & intentione Dei, in ratione finis cui, sive ut alij dicunt, in genere causa materialis. Potestque confirmari, quia Christus ex vi decreti intentivi sicut volitus ut redemptor: At ut sic nequit intendi, nisi præviso homine, ut materia perficienda, & peccato, ut materia destruenda: Ergo decretum intentivum Christi posterius est in genere causa materialis, sive finis cui, permissione peccati, & hominem rediendo. Unde ad argumentum initio §. præcedens pro sententia Scotti propositum, distinguo Antecedens: Christus est volitus & prædestinatus à Deo ante præscientiam peccati hominum: si illa particula, ante, denotet prioritatem in omni genere causa, nego Antecedens. Si denotet prioritatem in genere causa finalis, & in ratione finis qui, concedo Antecedens, & nego Consequentiam; quia stat optimè, prædestinationem Christi esse priorem in mente divina præscientiæ peccati, seu humano genere ut rediendo, in aliquo genere causa, & nihilominus ab ipso, in alio genere dependere; subindeque Christum non esse venturum, nullo peccato existente. Ex qua doctrina
- 61.
- Colliges primò, hunc inter divina decreta ordinem esse constitendum, quod scilicet in genere causa finalis prius fuit in ordine intentionis decretum Incarnationis, decreto creationis, glorificationis, justificationis, & permissionis peccati, cum posterioritate in genere causa materialis jam explicata: in ordine tamen executionis, decretum creationis fuit prius, postea decretum justificationis, deinde decretum reparationis ab illo, ac tandem decretum glorificationis.
- Colliges secundò, quod quando Scriptura, Concilia, & SS. Patres, dicunt Christum prædestinatum fuisse ut nos redimeret, vel propter nostram salutem, particula illæ ut, & propter, non denotant finem qui, seu cuius gratia, sed tantum finem cui, seu utilitas, quatenus ex Incarnatione provenit homini maxima utilitas, scilicet redendum peccati.
- Colliges tertio, non solum peccatum hominum, sed etiam Angelorum, fuisse præsumum ante decretum Incarnationis; quia Deus non poterat prævidere peccatum primorum parentum, nisi etiam prævideret malitiam dæmonum, qui ex superbia & inuidia tale peccatum ipsis persuaserūt.
- 62.
- Ex dictis etiam facile dilui possunt quedam argumenta, sumpta ex inconvenientibus, que nobis objiciunt Adversarij: si enim (inquietum) Incarnatione fuisse voluntà à Deo, sumpta occasione ex
- LII
- 63.
- 64.

- peccato, esset bonum occasionatum, & anima Christi deberet gaudere de peccato nostro, nobisque gratias agere, quod illi dederimus occasionem effendi. Item Deus ordinasset majus bonum, quale est Christus, Ad minus bonum, scilicet remedium peccati, quod est inordinate procedere.
- 65.** Sed hæc, ut dixi, facile diluvuntur ex principiis supradictis statutis: Ad primum enim respondeatur, occasionatum duplicitate sumi posse, primò prout idem est ac præter intentionem agentis, & a casu, quo sensu mulier appellatur à Philosophos *occasioneum*. Et in hoc sensu, non solum Incarnationis, quæ est præcipue intenta à Deo, sed nullum omnino bonum, est occasionatum respetto Dei, cum omnia divinae providentiae & gubernationi subdantur. Secundò potest dici aliquid occasionatum, quia pendet ex aliqua occasione, licet aliunde sit intentum à Deo, & in hoc sensu concedi potest, Incarnationem esse bonum occasionatum: quia tamen *ly occasionatum* proprietatim primo modo sumitur, ideo absolute negligendu[m] est, Incarnationem esse bonum occasionatum.
- 66.** Ad secundum dico, Christum debere gratias agere Deo, non nobis, & gaudere non de peccato nostro, sed de bonitate & misericordia Dei, quæ tantum bonum ex tanto malo tanquam ex occasione produxit: neque enim nos dedimus occasionem effendi Christo, per se, & ex intentione nostra, sed solum per accidens, & ex intentione Dei, qui ex peccato Adami, tanquam ex occasione, Incarnationem Verbi Divini desumere voluit.
- 67.** Ad tertium respondeo quod ordinare majus bonum ad minus, tanquam ad finem qui, vel cuius gratia, est inordinate procedere, non autem ordinare majus bonum ad minus, tanquam ad finem cui: nam Angeli in Scriptura dicuntur produti & missi in ministerium hominum, & salus rusticorum dicitur finis cui providentia regit, quia bonum rusticorum resultat ex providentia & gubernatione Regis. Demum inferiorum generatio dicitur finis cui motus cœli, nec tamen propterea est illo perfectior.
-
- ARTICVLVS II.
- Vtrum solo existente peccato originali, & è contra solis existentibus actualibus, futura esset Incarnatio, ex vi præsentis decreti?*
- §. I.
- Quibusdam premisis, difficultas duplice conclusione resolvitur.*
- 68.** **D**uo in hujus difficultatis resolutione, ut certabimur omnibus supponuntur. Primum est, Christum venisse in mundum, ad delendum non solum originale peccatum, sed etiam omnia actualia, seu ad exhibendum remedium sufficiens ad omnium peccatorum deletionem. Unde 1. Joan. 2. dicitur: *Ipse est propitiatio pro peccatis nostris, non pro nos suis autem tantum, sed etiam pro totius mundi.* Et D. Paulus ad Hebreos 1. ait Christum fecisse purgationem omnium peccatorum. Ratio etiam suffragatur: Nam finis Incarnationis est perducere homines in vitam æternam: At introductio ad regnum cœlestis, & vita æterna consecratio, non solum per peccatum originale, sed etiam per peccata actualia impeditur: Ergo Christus venit, non solum ad delendum peccatum originale, sed
- A etiam ad tollenda peccata actualia.
- Alterum in quo omnes ferè Authores consentunt, est quod Incarnatio principaliter facta est ad tollendum peccatum originale: Nam ut discurreat S. Doctor hic art. 4. ad deletionem illius peccati principaliter facta est Incarnatio, quod absolute est majus: At peccatum originale, est absolute majus actuali: Ergo &c. Major est certa, quanto enim peccatum est gravius, eò magis humanae adversatur saluti, propter quam Deus est incarnatus. Minor vero probatur. Peccatum actuali, licet intensivè majus sit peccato originali, cum plus habeat de voluntario, tamen ex se solum inficit singularem personam, non verò tam naturam, sicut peccatum originale: At peccatum quod de se inficit totam naturam, absolute majus est eo quod de se solum inficit singularem personam; ut enim docet Aristoteles 1. Ethic. cap. 2. bonum gentis divinus & præstantius est, quam bonum particulare: Ergo peccatum originale est absolute majus actuali.
- Confirmatur: Ad illud peccatum tollendum principaliter venit Christus, ex quo major oritur miseria, & minus voluntaria: Sed ex peccato originali, major oritur miseria, nam ferè omnia peccata actualia ex originali, ut ex causa & fonte ortum habent; ex eo etiam oriuntur penitentias humanæ virtutis, ut mors, aegritudines, ignorantia, concupiscentia &c. Item per peccatum originale, ianua celorum ita clausa erat, ut quantumcumque aliquis esset justus & sanctus, nunquam tamen posset ad Dei visionem pervenire, donec Deo exhibita fuisset condigna & rigorosa satisfactio pro tali peccato, quod etiam est minus voluntarium quam cetera peccata actualia, quia non contrahitur voluntate propriæ, sed tantum voluntate primi parentis, in qua tanquam in capite voluntates ceterorum hominum continentur: Ergo Christus principaliter venit ad tollendum peccatum originale. His præmissis.
- Circa propositam difficultatem triplex versatur sententia. Prima est Medinae hic art. 4. & Valentiae quest. 1. puncto 6. assertum, quod existente solo originali peccato, atque etiam existentibus solis actualibus, Christus venisset, ex vi præsentis decreti. Secunda est Cabreræ & Nazarij, aliorumque, qui dicunt existente solo originali peccato, vel solis existentibus actualibus, Incarnationem, ex vi præsentis decreti, non fuisse futuram. Tertia verò, q[ua]n[tum] in schola Thomistarum communior est, after Christum venturum ex vi præsentis decreti, solo existente peccato originali, non verò solis existentibus actualibus. Unde
- Dico primò: Solo existente peccato originali, venisset Christus, ex vi præsentis decreti.
- Probatur primò: Prima & principalis Incarnationis Dominicæ occasio, fuit peccatum Adami derivatum in omnes posteros, ut patet ex dictis articulo præcedenti: unde ipsamer Christus, qui ad illud delendum missus est, vocatur à D. Paulo secundus Adam, & de culpa Adami, non verò de actualibus aliorum hominum peccatis, canit Ecclesia in benedictione cerei paschalis: *O vera necessarium Adæ peccatum, quod Christi morte deletum est! O felix culpa que talum actum meruit habere Redemptorem!* Ergo solo originali peccato existente, Christus venisset, ex vi præsentis decreti.
- Confirmatur: Daniel. 9. ubi Incarnatio praedicatur futura, fit mentio solius originalis peccati delendi, nam Archangelus Gabrie[li], ipsum Danielē de tempore adventū Christi instruens, sic ait: